

## FRAMKVÆMDARÁKVÖRÐUN FRAMKVÆMDASTJÓRNARINNAR

2013/EES/16/51

frá 11. apríl 2012

**um breytingu á ákvörðun 2008/961/EB um notkun útgefenda verðbréfa í þriðju löndum á tilteknum innlendum reikningsskilastöðlum þriðju landa og alþjóðlegum reikningsskilastöðlum við gerð samstæðureikningsskila sinna (\*)**

(tilkynnt með númeri C(2012) 2256)

(2012/194/ESB)

FRAMKVÆMDASTJÓRN EVRÓPUSAMBANDSINS  
HEFUR,

með hliðsjón af sáttmálanum um starfshætti Evrópusambandsins,

með hliðsjón af tilskipun Evrópuþingsins og ráðsins 2004/109/EB frá 15. desember 2004 um samþæfingu krafna um gagnsæi í tengslum við upplýsingar um útgefendur verðbréfa sem eru skráð á skipulegan markað og um breytingu á tilskipun 2001/34/EB<sup>(1)</sup>, einkum þriðju undirgrein 4. mgr. 23. gr.,

og að teknu tilliti til eftirfarandi:

- 1) Samkvæmt 23. gr. tilskipunar 2004/109/EB er hægt að veita útgefendum í þriðja landi undanþágu frá kröfunni um að gera samstæðureikningsskil samkvæmt alþjóðlegum reikningsskilastöðlum (e. *IFRS*) sem innleiddir eru í Sambandinu ef góðar reikningsskilavenjur viðkomandi þriðja lands mæla fyrir um kröfur um jafngildi. Til að meta jafngildi góðra reikningsskilavenja þessa þriðja lands við samþykka alþjóðlega reikningsskilastaðla, kveður reglugerð framkvæmdastjórnarinnar (EB) nr. 1569/2007<sup>(2)</sup> á um skilgreiningu jafngildis og kemur á tilhögun fyrir ákvörðun jafngildis góðra reikningsskilavenja þriðja lands.
- 2) Mikilvægt er að meta viðleitni þeirra landa sem hafa tekið skref í átt að samræmingu reikningsskilastaðla þeirra við alþjóðlega reikningsskilastaðla eða innleitt þá. Því hefur reglugerð (EB) nr. 1569/2007 verið breytt til að framlengja tímabil tímabundins jafngildis til 31. desember 2014.
- 3) Ákvörðun framkvæmdastjórnarinnar 2008/961/EB<sup>(3)</sup> kvað á um að útgefendur í þriðja landi gætu einnig

gert samstæðureikningsskil sín frá 1. janúar 2009 í samræmi við alþjóðlega reikningsskilastaðla. Samkvæmt þeirri ákvörðun fram að fjárhagsárum sem hefjast 1. janúar 2012 eða síðar skal útgefanda frá þriðja landi heimilað að gera árleg samstæðureikningsskil og hálfársamstæðureikningsskil í samræmi við góðar reikningsskilavenjur Alþýðulýðveldisins Kína, Kanada, Lýðveldisins Kóreu eða Lýðveldisins Indlands.

- 4) Í júní 2010 fór framkvæmdastjórnin fram á það að þáverandi nefnd evrópskra verðbréfaeftirlitsaðila (e. *CESR*) sem var leyst af hólmi með Evrópsku eftirlitsstofnuninni á verðbréfamarkaði (e. *ESMA*) með reglugerð Evrópuþingsins og ráðsins (ESB) nr. 1095/2010 frá 24. nóvember 2010 um að koma á fót evrópsku eftirlitsyfirvaldi (Evrópska eftirlitsstofnunin á verðbréfamarkaði), um breytingu á ákvörðun nr. 716/2009/EB og um niðurfellingu á ákvörðun framkvæmdastjórnarinnar 2009/77/EB<sup>(4)</sup>, til að kveða á um tæknimat og uppfærslu á þróun í átt að alþjóðlegum reikningsskilastöðlum í Kína, Kanada, Suður-Kóreu og Indlandi. Framkvæmdastjórnin hefur tekið fullt tillit til skýrslunnar sem nefnd evrópskra verðbréfaeftirlitsaðila veitti í nóvember 2010 og uppfærslunnar um Kína og Indland, sem móttækin voru frá Evrópsku eftirlitsstofnuninni á verðbréfamarkaði í maí 2011 að undangenginni athugun á staðnum sem hún tók að sér í janúar 2011.
- 5) Í apríl 2010 gaf fjármálaráðuneyti Kína út „áætlun um áframhaldandi samleitni reikningsskilastaðla fyrirtækja (e. *ASBE*) við alþjóðlega reikningsskilastaðla (e. *IFRS*)“ sem ítrekaði skuldbindingu Kína um að halda áfram samleitniferlinu við alþjóðlegu reikningsskilastaðlana. Frá og með október 2010 hafa allir gildandi staðlar og túlkanir útgefin af Alþjóðareikningsskilaráðinu (e. *IASB*) verið tekin upp í áætlunina um áframhaldandi samleitni reikningsskilastaðla fyrirtækja. Samleitnistigið hefur verið tilkynnt af Evrópsku eftirlitsstofnuninni á verðbréfamarkaði sem viðunandi og afstemmingar er ekki krafist fyrir útgefendur í Sambandinu sem gera reikningsskil sín í samræmi við alþjóðlega reikningsskilastaðla. Því er rétt að líta svo á að kínverska áætlunin um áframhaldandi samleitni reikningsskilastaðla fyrirtækja teljist jafngild innleiddum IFRS-stöðlum frá og með 1. janúar 2012.

(\*) Þessi EB-gerð birtist í Stjtið. ESB L 103, 13.4.2012, bls. 49. Hennar var getið í ákvörðun sameiginlegu EES-nefndarinnar nr. 16/2013 frá 1. febrúar 2013 um breytingu á IX. viðauka (Fjármálaþjónusta) við EES-samninginn, sjá *EES-viðbætur við Stjórnartíðindi Evrópusambandsins*, biður birtingar.

<sup>(1)</sup> Stjtið. ESB L 390, 31.12.2004, bls. 38.

<sup>(2)</sup> Stjtið. ESB L 340, 22.12.2007, bls. 66.

<sup>(3)</sup> Stjtið. ESB L 340, 19.12.2008, bls. 112.

<sup>(4)</sup> Stjtið. ESB L 331, 15.12.2010, bls. 84.

- 6) Reikningsskilaráð Kanada skuldbatt sig opinberlega í janúar 2006 til að innleiða alþjóðlega reikningsskilastaðla fyrir 31. desember 2011. Það hefur samþykkt upptöku alþjóðlegra reikningsskilastaðla í handbók samtaka kanadískra löggiltra endurskoðenda sem kanadískar góðar reikningsskilavenjur fyrir öll opinber reikningsskilaskyld fyrirtæki, sem rekin eru í hagnaðarskygni, frá 2011. Því er rétt að líta svo á að kanadískar góðar reikningsskilavenjur séu jafngildar innleiddum IFRS-stöðlum frá og með 1. janúar 2012.
- 7) Fjármálaeftirlitsnefnd Suður-Kóreu og Reikningsskilastofnun Suður-Kóreu skuldbundu sig opinberlega í mars 2007 til að innleiða IFRS-staðla fyrir 31. desember 2011. Suður-Kóreska reikningsskilaráðið hefur innleitt IFRS-staðla sem kóreska IFRS-staðla (e. *K-IFRS*). Kóreskir IFRS-staðlar eru nákvæmlega eins og IFRS-staðlar útgefnir af Alþjóðareikningsskilaráði og er þeirra krafist fyrir öll skráð félög í Suður-Kóreu frá 2011. Óskráðar fjármálastofnanir og ríkisfyrirtæki þurfa einnig að nota kóreska IFRS-staðla. Önnur óskráð félög geta valið að nota þá. Því er rétt að líta svo á að suður-kóreskar góðar reikningsskilavenjur séu jafngildar innleiddum IFRS-stöðlum frá og með 1. janúar 2012.
- 8) Indversk stjórnvöld og samtök löggiltra endurskoðenda á Indlandi skuldbundu sig opinberlega í júlí 2007 til að innleiða IFRS-staðla eigi síðar en 31. desember 2011 með það að markmiði að indverskar góðar reikningsskilavenjur væru að fullu samrýmdar alþjóðlegum reikningsskilastöðlum við lok áætlunarinnar. Evrópska eftirlitsstofnunin á verðbréfamarkaði tók eftir því, að undangenginni athugun á staðnum í janúar 2011, að indverskir reikningsskilastaðlar virðast frábrugðnir IFRS-stöðlum. Óvissa ríkir um tímaáætlun vegna framkvæmdar tilkynningakerfis sem fer að IFRS-stöðlum.
- 9) Því er viðeigandi að framlengja umbreytingartímabilið um allt að þrjú ár, til 31. desember 2014, til að heimila útgefendum í þriðja landi að gera árleg reikningsskil sín og hálfársreikningsskil í samræmi við góðar reikningsskilavenjur Indlands í Sambandinu.
- 10) Þar sem umbreytingartímabilinu sem ákvörðun 2008/961/EB veitti kínverskum, kanadískum, suður-kóreskum og indverskum góðum reikningsskilavenjum jafngildi, vegna réttarvissu, lauk 31. desember 2011, skal þessi ákvörðun gilda frá 1. janúar 2012.
- 11) Því ber að breyta ákvörðun 2008/961/EB til samræmis við það.

- 12) Ráðstafanirnar, sem kveðið er á um í þessari ákvörðun, eru í samræmi við álit evrópsku verðbréfanefndarinnar,

#### SAMÞYKKT ÁKVÖRÐUN ÞESSA:

##### 1. gr.

Ákvæði 1. gr. ákvörðunar 2008/961/EB er breytt sem hér segir:

1. Í stað annarrar málsgreinar komi eftirfarandi:

„Frá 1. janúar 2012 skal, með tilliti til árlegra samstæðureikningsskila og hálfársamstæðureikningsskila, telja eftirfarandi staðla jafngilda IFRS-stöðlum sem innleiddir eru samkvæmt reglugerð (EB) nr. 1606/2002:

- góðar reikningsskilavenjur Alþýðulýðveldisins Kína,
- góðar reikningsskilavenjur í Kanada,
- góðar reikningsskilavenjur Lýðveldisins Kóreu.“

2. eftirfarandi þriðja málsgrein bætist við:

„Útgefendum í þriðja landi skal heimilað að gera árleg samstæðureikningsskil sín og hálfársamstæðureikningsskil í samræmi við góðar reikningsskilavenjur Lýðveldisins Indlands fyrir fjárhagsár sem hefjast fyrir 1. janúar 2015.“

##### 2. gr.

Ákvörðun þessari er beint til aðildarríkjanna.

Ákvörðun þessi gildir frá 1. janúar 2012.

Gjört í Brussel 11. apríl 2012.

*Fyrir hönd framkvæmdastjórnarinnar,*

Michel BARNIER

*framkvæmdastjóri.*